



ᐅᑕᑎᑕᑕᑕ ᐅᑕᑎᑕᑕᑕ ᐅᑕᑎᑕᑕᑕ
Building *Nunavut* Together
Nunavut liuqatigiingniq
Bâtir le *Nunavut* ensemble

COVID-19 Qalagjuarniq GN Nutaag Ilitturipkaidjuti

Imaruqtirvia 1, 2020

Ministaup Aanniaqtainikkut pidjutigiplugu Hivuliqtip ilitturipkaidjutikhaa:

Ublaakkut. Himmataullangniaqtunga Hivuliqti Savikataamut malrungnik huna ilitturipkaisdjutikhangnik titirlunga.

Piqangittuq huli naunaiqhimajunik pinahugijaujunikluunniit COVID-19 qalagjuarnirik Nunavunmi. Ublumi, atauttimun amigaitilaanginni inuit ihivriuqhiqtaujun ublumimun unaujuq 1,103. 142 inuit tadjja huli ihivriuqhiqtaujun.

Ublumi Imaruqtirvia 1st, nutaqqiqiviit angmarniaqtut ublumi, angmarimagumik hanaiqhimagumiklu halummaqtittiaqtakhamingnik iniqhigumik maliqatqujahimajunik. Avikturniinni min'nguivriit ukuallu hamlanginni hilami ulapqiviit angmaqtut, imaalu katihimajut hapkunani amigaitilaqaktukhat kigliqarniaqtut 25 inungnik hilami katihimajuthilami hulilukaaqatigiiktuni tadjakaffuk.

Aallanik uqaqtinnata ilitturipkaidjutikhanik, Ilitarijumajatka Nunavutimi Iniqitut Ilihaqatigiiktut 2020.

Kangiqlimajugut qanuqtut ajurnaqqiarutaanik qangihaaktavut tatqiqhiutait atuqpagaqhi. Hunata tamaita aallanguqpiakhimavaktut, iliaqtut iniqitut quviahuutigijakharaluangit iniqtiutimingnik pijakhamiktut.

Uqaramma taimaatut, kihimi iliaqtuhi iniqhivluhilu. Hunatliqaak aqhalimaittaait iniqtiutingnik, haffumaugaluap COVID-19 Qalagjuarniq.

Quviahuktugut nan'ngarijavullu hakugingnitit, akhuukpiakpaktuhillu iniqtirinahuaqpiakhuhi iliaqtaffingnik. Tapkuat quviahuutaujukhat, unngahiktuugaluamit, imaaluuniit akhaluutiturlutik iniqitut quviahuutigilugit, atauhillaanik piksaliurlutik, imaaluuniit ikittunik inungnik katimaqatigiiktut ilagiit ilannatitluuniit.

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Tamarmik Nunavummiut ihumajut nakuukpiaktumik pitqujaahi tamaffi humut aullaniaruffi inuuhirni qanuriliurumaguffi. Alianaqpiaktuq iniqtiutikhi ilihaqtaffingnik hivumuuqpalliadjutikhaqhilu tuklianik inuuhikhaffingnik qajangnaiqqat qanuriliuraimi.

Havakpiaqhima juhi upalungaiqhimaliqhutillu. Humulliqaaq pinahuarlutin, nakuujumik piniaqtutin.

Pidjutigiplugit Nunavut Kavamanga, quviahuutigilavut Iniqitut Ilihaqtut 2020!

Minista Aanniaqtailinkkut ilitturipkaidjutaa:

Ilautqujatka tamaita Nunavummiut quviahuutigilaqqut Nunarjuami Tibaaquqturnaittuq Ublua, Unaguiqhirvik, Qiqaijarluarvia 31. Hamna ukiuq tamaat naunaiqhivaktut inuuhirmut qajangnaqtut pidjutiaqqtut tibaakurmik aturniannit, imaalu akhuurutigivaktait ihuaqtut atugakhat ikiglinahuarutikhanut tibaakuqqaqtunik aturniannik.

Tadja, tamapta havakpiakpaktugut akhuurutigivakhugit inungnut aanniaqtailitikhata maliqujahimajut aanniarunmit COVID-19 Qalagjuarniq. Inungmiugupta qanituriiktukhaungitugut, aihimavaglutit humungauhimaaittumik pullaqtaililutilu, imaalu uaqattaqpaglugit algakkit pittaaruvit. Hapkuat qanuriliurutikhavut, ikajuutaujut aanniaqtailipluta uvaptingnik, nunallavullu avikturniqqullu qajangnairttumik. Atuuruijarniq tibaaqaqtunik atauhiungmijuq ikajuutikhaqqut aannialiqtailitikhaqqut aktuqtauninganik haffuma aanniarjuarutimit. Ilihimajugut tamna COVID-19 Qalagjuarniq taimaittuujumik puvvakktut aanniarutaujuq imaalu qaujihaqhima jainnit naunaiqtaujut higaarniq ingattarnaqtuq mihingnautainnut. Higaajuktut aannialirniarnaqtut taffuminga aanniarunmik COVID-19 Qalagjuarniq higaarniq aannialiutauniaqtuq higaajuktumut aktuunganit akuliangminik umilrurminiklu. Puiguqtailutit: aallanut atauhirmik higaarmik higaqaqtaiqtaililitit higadjanik, higaarlungnik, paipangnikluuniit. Tiguhitailugit higaarnikurmik higaarlungnikluuniit higaarnikumik nunamit iqaqunik. Uqaqattaqpaglugit algakkit, aktuqtaililugulu akkuliakkit.

Nakuukpiaktumik ikajuutikhaqqut inuuhiptingnut taimaarupta higaaruijarupta. Ihumaliurutpta higaaruijarluta, ikajurniaqtugut uvaptingnik aanniaqtailitikhaptingnik taffumanga COVID-19 Qalagjuarnirmit ublumi, imaalu ihuaqhijuumirniaqtugut inuuhiptingnik atuqtakhani havainirni, tatqiqhiutinni, ukiunillu. Ikajuutikhat hailijut kinamutliqaak ilitturinahuarumajunut ikajuutikhamingnik higaaruijagumagumik. Tuhaqtitakhaa uqaudjijimit talvuuna Tibaakut Hamaniirvikhaqangitun Facebook makpirnia imaaluuniit hivajarlutit 1-866-368-7848 24nik ikaarninik angmaumajuq, 7nik

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

ublunik angmaumajuq. Tamna ikajuutikhaq ilikkuinnarmut pidjut akiitturlu. Uqaqatigiiktumik ikayuqtiuyut ikayuqtaaqtaatit uqarlutik Inuktitut, Qablunaatit, Inuinnaqtun Uviititullu.

Nicotine-mut himmautikhat ikajuutikhat, imaaluuniit NRT, hailijut akiittut talvuuna Qulainajautiqangitut Aanniaqtailinikut Ikajuutinik pinahuarutit nunangni munaqhitkunit havautihaqarvingmitluuniit. Hivajaqqarlutit upautitinatit, apirilugit munaqhitkut naunaiqhitikharnik imaalu aturnikhanut NRT.

Quana.

Ministangat Havaktuliqijitkut ilitturipkaidjutikhaanik:

Ullaakkut. Titiraqhimajumi uumani Dr. Patterson, Nunavut Kavamanga ihivriuqhiffaaliqtuq maliqatqujauhijumajunik atuqtakhaliuqtaihumajut kiudjutikhanut COVID-19 Qalagjuarniq. **“Nunavuttip Apqutikhaa: hivumuuqpalliadjutikhat aullatitlugu COVID-19 Qalagjuarniq”** tuhaqtitauhijumajut kingulirmi havainirmi ihuaqhaqhimajut kavamatkut atuqtakhaliuqtainnik nutqaqtiqpalliadjutikhainut maliqatqujauhijumajunik, naunaijautigilugit ikiglinahuarutikhanik qajangnaqtut pidjutiaqatut qupilurmut aanniarunmut ikiglinahuarutit aktuqtauniinutNunavummiunut. Naunaijautigiplugu tadjaj qanurinnianut qajangnarniat aktuutaujullu maliqajakhainnut, angmaffaarnialiqutut havagviit ihumagijaujuq qajangnaivjaktuq maliqjakhat.

Ublumi, ITuhaqtitijunga nutqarnialiqtuq Nunavut Kavamanga havaktutkhat aimavingmingnit pianhuarutikhat Nunavut Kavamanga havaktingita. Aullaqtirlugu Hivulliummi, Imaruqtirvia 8, 2020, GN-kut havaktingit tadjaj “havakpaktut aimavingmingni” utiinariaqarnialiqutut havagvingmingnut.

Hamna ihumaliurutauhijaujuq uqaqatigiplugit Inungnut Aam=nniaqtailinikkut Havaqatigiiktut ukuallu Havaktiit Aanniaqtailinginni Akiluhirnikkullu Katimajiingit (WSCC). Iitaqhijugut taimaatut aanniarnaittumik havagviit ihuaqtuq aanniarnaittumik imaalu inuuhiringnaqtumik tamainut havaktiptingnut, pidjutigiplugit inmi ajuittatik imaalu auladjutikhangit kivgaqtuidjutimingnik tamainut Nunavummiut.

Ikajuutikhanut qajangnaittumik aanniarnaittumiklu havagvingni, GN-kut maliktakhait WSCC maliktakhait talvuuna qajangnaitkutikhanut naunaijautikhat havagvingmi qajagijakhainik imaalu maliqahimmaarlugit atuqtaujukhat imaalu pittailijaujut atuqtakhaliuqhimajait Atanilluaq Nunalaani Aanniaqtailinikkut Havaktimit kiudjutikhanginnik COVID-19 Qalagjuarniq. GN-kut havaktingit tunijauhimmaarniaqtut

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

aanniaqtailinikkut qajangnaitkutikhaniklu naunaitkutikhainnik maliktakhaniklu aullaranginnaqtumik. GN-kut havakti ukuallu Ilagii Ikajuuhiaqtit Pinahuaruti hailijut ikajuutikhanik tamainut inuuhiringnaqtumik GN-kut havaktingit ilagijainullu.

Kivgaqtuqtiujut havagviujunit havaktut uumani havainirmi naunaijakhugit havakviit upalungaiyautikhanik utirvikhanik GN-kut havaktingit imaalu ahiqpangajukhaujut aallanit inungnit havaktitlutik aullahimmaaqtukhaujuq. Ilangit havaktit aallatqiiktunik utiinariaqaqtut havagvingmingnut aimavingmingnit havaktut.

Ilimajugut tapkuat iliharviit umikhimadjutaat imaalu qaujimangittumik aujami hulilukaarvikhanik nutaqqat taja taimaatut angajuqqaat naunaijauvikhanik nutaqqiqijikhamingnik imaalu akhuuqhajavut hivajaquplugit atan'ngujamingnut uqautigilugit qanuriliurutikhamingnik.

Taja huli, ikittukhaujut inungnit upautijumajunik havagviinnut maiqjanginni ikajuutikhaniklu inungnit ahiqpangajukhat imaalu aanniarnaittumik qajangnaittumiklu tamainut Nunavummiunut.

Qujagijumajatka tamaita GN-kuni havaktingit akhuuqpiakhuhi havakpiakpakaffi imaalu havakpakhuhi nallunaqtunik atuqpaktaptingnik. Iliffingnut inuuhiringnaqtumik aanniaqtailinikkullu hivulliutijakhavut.

Qujagijumajatka tamaita Nunavunmiut allaranginnaqtumik utaqqivangmata imaalu kangiqhivakhuhi aullaranginnaqtumik tunihijugut hulidjutit ikajuutikhaniklu.

Quana.

Atanilluaq Inungnun Aanniaqtailinikkut Havaktimin nutaanik-ilitturipkaidjutit

Ublaakkut. Ublumi aullaqtilirvia Nunavutip Apqutikhaanut. Nutaqqiqiviit, avikturiniinni min'nguirviit, imaalu hilami ulapqiuarviit angmaffaaqtut, imaalu amigaitilakhangit hilami hulilukaqtitijut katimapkaijut amigaigjuumijut imaatut 25. TUblumi hivulliqpangujuq malruiqturlugu havainirmi qaujihadjutikhainnik pidjutiqaqtunik ihuaqhautikhanik inungnut aanniaqtailinikkut maliqatqujauhijumajunik.

Naunaijaititluta ihuaqhainahuarutikhaptingnik inungnut aanniaqtailinikkut maliqatqujauhijumajunik, uqautigijumajatka kangiqhittiaquplugit tamata Nunavummiut aullaranginaqtumik anginiqaqtuq ahiqpangajukhaujut aallanit inungnit inuqarnirmiugaigupta. Ublumimit naunaijaivangnialiqtuqut ihuaqhailuta naunaijailutallu

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

nalliinnik nutqaqpallialugit maliqatqujahimajunik, kihimi tamna taimaarunaitaqqut inuqarnirmiugaigupta inungnit ahiqpangavaktukhaujugut.

We've noticed through tilitturivalliajugut inungnik qaniklihimajainnik qaujahaqtauniinnit tapkuat inuit qaniklihimajait amigaigjuumivallialiqtut. Amigaitqijauliqtut inungnik qaniklihimajainnik ajurnnaqhitqijautiniarliqtuq naunaiqhivikhanik imaalu hiamitiqtailitikhnik COVID-19 Qalagjuarniq nunaptingni.

COVID-19 Qalagjuarniqauullaranginnaqtumik qajangnaqtuq huli Nunavunmiunut, aannialiqtailitikhaittugut taffumanga aanniarunmit. Hamunga tikittugut qujahuktaa tamapta akhuuqpautiptingnik uuktuqpakhutallu,kihimi uuktuutigivaktavut aullahimmariaqaqtut huli.

Taimatut uqaramma, Iqujahuktunga tuhaqtitijumaplunga hapkuat ihuaqhaqtaujut maliqujahimajunik inungnut aanniaqtainikkut maliqujahimajunik atuqtaulirniaqtut tuklikhanik malrungni havainingni.

Atuqtauliqtukhaq qilamik.avikturniptingni Nunavunmi iluanni tingmitikkut aullarvikhat angmaqtajuq. Tingmitikkut aullarvikhat hilataanut Nunavunmit pitqujaungittuq huli. Inullaat tingmitikkut aullarumajut ahianut Nunavunmit qaujimajukhaujut atuqtukhaujut avalingarvikhanik itiqtirviinni naunaiqtauhimajuni mailtakhainnik utirnahualirumik, imaatullu maliqatqujahimajunik aallanit nungijaujunit piliuqhimajainnik ikittumik,imaaluuniit tingmitikkut aullaqujingitunaqhijullu.

Uumani Imaruqtirvia 8, havagviit imaalu niuvvaaviit angmaffaarniaqtut, qajangnaitkutikhanik maliktakhaliuqhimagumik. Qun'ngiarvikhat, ingilrarnittanik tutquumaviit, imaalu taiguarviit angmaffaarniarunaqhijut inungmut qun'ngiarvikhanik takujaqpulaarvikhaniklu, kihimi inungnik katimajunik pitqujingittut. Amigaigjuuminialiqtut inungmik aanniaqtunik ihivriuqhirvikhanik munaqhiqarvingni aanniarvingnillu tamainni avikturniinni.

uumani Imaruqtirvia 15, kiguuhiqiviit, iqaijarnikkut takuurhirviit, iqaijarviillu, ukuallu chiropractic havaktauviit angmainarialaqiniaqtut atuqtauffalirlutiklu. Ulapqiviit puvjarviillu angmaffaarniaqtut atauillaanut iqaijarvikhanik imaalu atauhirmi nalrujumik puvjarvikhanik.

Naunaidjavat, tapkuat tamaita maliqatqujahimajut pidjutiqarniaqtut aallanguqtaaqut idjuhiit aallanguqqata.

Quana.

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Ilaupluni Nunavut Kavamangani (GN) havagutainni hapumminikkut Nunavunmiunnik uumanga aanniarmik COVID-19 qalagjuarniq, GN-kunni Havagviit atuqtipkaliqtait hapkuat:

Havagviat Aanniaqtailinikkut

COVID Hivajautaa unalu inmikkut-ihivriurnikkut ikajuutikhat

Inuk kituliqaak ihumagumik akuktauvaktun Qalagjuarniq-19min uqaqtukhaujut hivajautikkut COVID-hotline uvani 1-888-975-8601 talvuuna 10mi ublaami 6mun unukpat, ilitugipkalklutiklu nunalaani munarhitkut qilaminuaq, talvuuna qilaminuaq anilimaqtukhaujut 14nik ublurnik.

Kinaliqaak pittaatuq qaritaujakkut inmingnik qaujahaqtaqtut qaritauijakkut ingmingnik naunajautikhanik atuqtakhamik [nu.thrive.health](https://www.nu.thrive.health)

Qaffiujun

Tamatiutit (Tamaita Avaliingarnirni Najurviinni)	
Tingmijuq Qanurittuq	Inuit Avaliingaaqtitaujuna talvanga Qiqaijarluarvia 29
Taaktiliaqnikkut Tingmidjutit	158
Inuit Inmikkuuqtut	116
Ilihaqtut	0
Attautimun	274

Tingmijut utiqutun naunaikutit:

Aullarvia Ublua	Amigaitilaangin Tingmijun Avaliingarvingnin
Qiqaijarluarvia 30	0
Qiqaijarluarvia 31	9
Imaruqtirvia 1	35
Imaruqtirvia 2	6
Imaruqtirvia 3	16

Ihariagijauqpiqtuni Havaktini Tukhirutin

Talvanga Qiqaijarluarvia 31, pilik 1,291 tukhirutinik, 987 taapkuat ihariagijauqpiqtunin havaktinin tukhirutiujun.

Tukhirutini Qanurittuq	#	%
Angiqtaujuun (ilaujun ihariagijauqpiqtun ihariagijauullangittullu)	1100	85.7%
Qingijaujun	146	11.4%
Ihumaliurutaujut huli	45	3.0%
Attautimun	1291	100%

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Aulahimaaqtun havagutit:

Pidjutikhat aanniaqtailinikkut munaqhitikhanik havagutit aullajunaittut hailihimaarniaqtut tamainni nunallaani 7-ni ubluni havainirmi. Tamaita amirakhuutaungittut takujaujumat naunaijaqtauvangniaqtut ubluq tamaat. Qilamik piyaanirit qilamiurnikkut aaniaqjuaqtunun aanniaqtilinirmun munaqhijut kivgaqtuutait aulahimaarniaqtut piinarialgit 24ni ikaarnirmi ubluni, 7ni ubluni havainirmi. Tamaita inuit apirijaujut hivajaqujaujut munaqhiliaqtinnatik.

- Iqalungni, inungnut aanniaqtailitikhat, amigakhuqtunut igluangat unalu aanniaqtunik ihivriughirvik angmaqhimaniaqtuq.
- Nutarannuanik ihivriughirviit, hingaijunik ihivriughirviit ukuallu kapuqhirniq havautikhat ikajuutikhanik aullahimmaarniaqtut huli tamainni nunani Nunavunmi.
- Taaktit nunallaanut aquivangniaqtut huli. Una pilimaitpat, tiviikkut uqaqatigiingniaqtut hivayautikuluuniin.

Ihuaqhaqtauhimajut kivgaqtuutit:

Upautidjutikhatit munaqhitkunni kinguvaqtitauyut, una pidjutauyuq upautidjutikhat hivayautikuungniaqtut upautilutikluuniin.

Aanniarviliaqtunut tingmidjutikhainut ikigliyauyut haffumuuna qilamiurnikkut tingmipkaqtauyunun. Aaniniaqtut inuit uqaudjauniaqtut hapkuninga aallanguqtauniinnik imaalu ilauniaqtut uqautaulutik.

Iqalungni, aanniarviup ahiani ikayuqtauyut nutiqtauliqtut tamaita upautidjutikhat uvalu havaliqhugit upautidjutikhat. Ihivriughivikhangit ihivriughivikhanik auktaqtauyukhat ukuallu Iksuliirhiqtut uvani QGH ikikliyuumiqtut kivgaqtuutait. Tamaita ihivriughivikhait kinguvaktitaujut.

MHA nuutiqtait hivajautikkut naunaiqhithait imaalu ikajuqhirvikhainnik ilanginut aanniaqtunut. Ihuaqhariiqhaimajut ihivriughivikhait havautikhamingnik aikhirvikhainnik imaatullu havautituqtitauvikhait aallajunaittut aallangulimaitut. Ayuqhaliliqpallaruvit, munaqhiliadjavutit. Aimaviinnut pulaaqtauviit havautituqtitijaqturlutik havaktauniaqtut naunaiqtauvaglutik atauhillaanik qanurinniinnik.

Umikhimaniaqtun/Nutqaqtauniaqtun/Aulahimaitun Hadja kivgaqtuutikhainnik:

Amigakhuutaujuinnait kiguutaijaqtit kivgaqtuutikhait tunijauniaqtut tamainni Nunavunmi nunallaani qakugu tuhaqtitauffarniaquhi.

Aallangajut ihivriughivikhait taimaaqtitauhimajut. Havaktauliqtut naunaiqhiplutik nalliit aanniaqtut inuit takujaujukhat hivajautikkut/Naunaijaqhimajut munaqhijauvikhait.

Tamainut aullariaqangitkumik tingmitikkut ihumaliqinikkut aanniaqtunut inungnut Ilagiiktunullu taimaaqtitaujut. Tamainut aullariaqangitkumik tingmilutik ilamingnun pulaaqtitauyut aanniaqtunun munariyauyunun taimaaqtitauyut.

Pulaaqtiqalimaitut hivitujumut iglugijaujunni iNunavunmi – Munarihimmaaqtauviitlu Igluqpangmiuyut (CCCs) umanillu Inirnikhat Aimaviit.

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Havagviat Havaktuliqijitkut ikajutiuhimaarnikkut ilituqhaidjutikhaq

tamarmik GN havaktingit utirniaqit GN-kut havagviinnut aullaqtirlutik Imaruqtirvia 8, 2020. Hamna ihumaliurutauhimaajuq uqaqatigiplugit Atanilluaq Nunalaani Aanniaqtailinikkut Havaktimit ukuallu Havaktiit Aanniaqtailinginni Akiliuhirnikkullu Katimajiingit (WSCC).

GN-kut maliktakhait WSCC maliktakhait talvuuna qajangnaitkutikhanut naunaijautikhat havagvingmi qajagijakhainik imaalu maliqahimmaarlugit atuqtaujukhat imaalu pittailijaujut atuqtakhaliuqhimaajit Atanilluaq Nunalaani Aanniaqtailinikkut Havaktimit kiudjutikhanginnik COVID-19 Qalagjuarniq. Inuqarnirmiugaigupta inungnit ahiqpangavaktukhaujugut atuqtauhimmaarniaqtut GN-kut havagviinni, imaalu GN-kut havaktigit tujuqtauhimmaarniaqtut aanniaqtailinikkut qajangnaittumiklu naunaitkutikhainnik itqumajakhainniklu aularanginaqtumik. GN-kut havakti ukuallu Ilagii Ikajuuhiaqtit Pinahuaruti hailijut ikajuutikhanik tamainut inuuhiringnaqtumik GN-kut havaktingit ilagijainullu.

Tadja huli, ikittukhaujut inungnik upautijumajunik havagviinnut maiqjanginni ikajuutikhaniklu inungnit ahiqpangajukhat imaalu aanniarnaittumik qajangnaittumiklu tamainullu Nunavummiunut. Ilaujut inungnut uqaqujaujut hivajautikkut GN-kuni havaktiinik imaaluuniit qaritaujakkut titirarvigilugit. Inungni katimaqatigiiktut pijariaqaqtut, inuit ilaujut inungnut airijauhngujut maliktukhat inuqarnirmiugaigupta inungnit ahiqpangavaktukhaujugut imaaluuniit aallanik aanniaqtailinikkut qajangnaitkutikhaniklu maliqujaujunik.

GN-kut Havagviujut tuniuqhaihimmaarniaqtut inungnut tuhaqtitaujukhanik ilitturipkaidjutikhanik ihuaqhaqtajaraikpata pinahuarutikhainnik kivgaqtuidjutikhaniklu havaktunut aimavingmingnit nutqaqqat.

Nunavunmiut aanniaqtailidjutait atauttikku munaridjutigijaqqut! Itqaumaluhi: uaqlugin algatin qaangillu hunavaluit, inuqarnirmi ahiqpaniitpaklutin, naalaklugit uqauidjutait anniaqtailinikkut havaktinin, aihimalutillu aannialaqiguvin.

Nutaangutqijaujunun COVID-19 qalagjuarnirmi ilitturipkaidjutikhanik ukunanilu GN-kut Havagviinni nutaanik ilitturipkaidjutikhanik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)